

ॐ नमः परमात्मने, श्री महागणपतये नमः श्री गुरुभ्यो नमः,  
हरिः ॐ

कृष्ण यजुर्वेदीय तैत्तिरीय आरण्यके प्रथमः

## Contents

### 7.1 सप्तमः प्रपाठकः

1

ॐ नमः परमात्मने, श्री महागणपतये नमः श्री गुरुभ्यो नमः, हरिः ॐ

### 7.1 सप्तमः प्रपाठकः

## 7.1 सप्तमः प्रपाठकः

### T.A.7.1.1

नमो वा॒चे या चो॑दिता या चा॒नुदिता॑ तस्यै वा॒चे नमो॑ नमो॑ वा॒चे नमो॑ वा॒चस्पत॑ये नम॑ ऋषि॑भ्यो  
मन्त्र॑कृद्भ्यो मन्त्र॑पति॑भ्यो मा मामृष॑यो मन्त्र॑कृतो मन्त्र॑पत॑यः परा॑दुर्माऽहमृषी॑न् मन्त्र॑कृतो मन्त्र॑पती॑न्  
परा॑दां वैश्वदे॑वीं वाच॑मुद्यासः शि॒वामद॑स्ताम् जुष्टा॑म् दे॒वेभ्यः॑ शर्म॑ मे द्यौः शर्म॑ पृथि॑वी शर्म॑ विश्व॑मिदम्  
जग॑त् । शर्म॑ चन्द्र॑श्च सूर्य॑श्च शर्म॑ ब्रह्म॑प्रजाप॒ती ॥ भूतं॑ वदि॒ष्ये भुव॑नं वदि॒ष्ये तेजो॑ वदि॒ष्ये यशो॑  
वदि॒ष्ये तपो॑ वदि॒ष्ये ब्रह्म॑ वदि॒ष्ये सत्यं॑ वदि॒ष्ये तस्मा॑ अ॒हमि॑द-मु॒पस्तर॑ण-मु॒पस्तृ॑ण उप॒स्तर॑णम् मे  
प्र॒जायै॑ पशू॒नाम् भू॒या-दुप॑स्तर॒णम॒हम् प्र॒जायै॑ पशू॒नाम् भू॒यासु॑म् प्राणा॑पानौ मृत्यो॑र्मा पात॑म् प्राणा॑पानौ  
मा मा॑ हासिष्ट॑म् मधु॑ मनि॒ष्ये मधु॑ जनि॒ष्ये मधु॑ वक्ष्यामि॑ मधु॑ वदि॒ष्यामि॑ मधु॑मती॑म् दे॒वेभ्यो॑  
वाच॑मुद्यासः शुश्रू॑षेण्याम् मनु॒ष्येभ्य॑स्तम् मा॑ दे॒वा अ॑वन्तु शो॒भायै॑ पि॒तरोऽनु॑मदन्तु ॥ ओम् शान्तिः॑  
शान्तिः॑ शान्तिः॑ । 1

### T.A.7.2.1

यु॒ञ्जते॑ मनं॒ उ॒त यु॑ञ्जते॒ धियः॑ । वि॒प्रा वि॒प्रस्य॑ बृ॒हतो॑ वि॒पश्चितः॑ । वि॒ हो॒त्रा द॑धे वयुना॒विदे॑क इत्

। म॒ही दे॒वस्य॑ सवि॒तुः परि॑ष्टुतिः ॥ दे॒वस्य॑ त्वा सवि॒तुः प्र॑सवे । अ॒श्विनो॑र् बा॒हुभ्या॑म् । पू॒ष्णो ह॑स्ता॒भ्यामा॑र्ददे ॥ अ॒भ्रिर॑सि ना॒रिर॑सि । अ॒द्धुर॑कृद्-दे॒वेभ्यः॑ । उ॒त्तिष्ठ॑ ब्रह्मणस्पते 2

### T.A.7.2.2

दे॒व्यन्त॑स्त्वेमहे । उ॒प प्र॑यन्तु म॒रुतः॑ सु॒दान॑वः । इन्द्रं॑ प्रा॒शूर्भ॑वा स॒चा ॥ प्रै॒तु ब्र॑ह्मणस्पतिः । प्र दे॒व्येतु॑ सूनृता । अ॒च्छा वी॒रन्न॑र्यम् प॒ङ्क्ति॑राधसम् । दे॒वा य॒ज्ञेय॑न्तु नः ॥ दे॒वी द्या॑वापृथि॒वी अनु॑ मे म॒शसा॑थाम् । ऋ॒द्ध्यास॑म॒द्य । म॒खस्य॑ शि॒रः । 3

### T.A.7.2.3

म॒खाय॑ त्वा । म॒खस्य॑ त्वा शी॒र्ष्णे ॥ इ॒य॒त्यग्रं॑ आसीः । ऋ॒द्ध्यास॑म॒द्य । म॒खस्य॑ शि॒रः । म॒खाय॑ त्वा । म॒खस्य॑ त्वा शी॒र्ष्णे ॥ दे॒वीर् व॒म्रीर॑स्य भू॒तस्य॑ प्रथमजा ऋ॒तावरीः॑ ॥ ऋ॒द्ध्यास॑म॒द्य । म॒खस्य॑ शि॒रः 4

### T.A.7.2.4

म॒खाय॑ त्वा । म॒खस्य॑ त्वा शी॒र्ष्णे ॥ इन्द्र॑स्यौजो॒ऽसि । ऋ॒द्ध्यास॑म॒द्य । म॒खस्य॑ शि॒रः । म॒खाय॑ त्वा । म॒खस्य॑ त्वा शी॒र्ष्णे ॥ अ॒ग्नि॒जा अ॑सि प्र॒जाप॑ते॒ रेतः॑ । ऋ॒द्ध्यास॑म॒द्य । म॒खस्य॑ शि॒रः 5

### T.A.7.2.5

म॒खाय॑ त्वा । म॒खस्य॑ त्वा शी॒र्ष्णे ॥ आ॒युर् धे॑हि प्रा॒णम् धे॑हि । अ॒पा॒नम् धे॑हि व्य॒ानम् धे॑हि । चक्षु॑र् धे॒हि श्रो॑त्रं धे॒हि । मनो॑ धे॒हि वाचं॑ धे॒हि । आ॒त्मानं॑ धे॒हि प्र॑ति॒ष्ठां धे॑हि । मां धे॒हि मयि॑ धे॒हि ॥ मधु॑ त्वा मधु॒ला क॑रोतु । म॒खस्य॑ शि॒रोऽसि॑ ( ) 6

### T.A.7.2.6

य॒ज्ञस्य॑ प॒दे स्थः॑ । गा॒य॒त्रेण॑ त्वा छन्द॑सा करोमि । त्रैष्टु॑भेन त्वा छन्द॑सा करोमि । जाग॑तेन

त्वा छन्दसा करोमि ॥ मुखस्य रास्नाऽसि । अदितिस्ते बिलङ्गहातु । पाङ्केन छन्दसा । सूर्यस्य  
हरसा श्राय । मुखोऽसि । 7

(इयंति देवीरिन्द्रस्यौजोऽस्यग्निजा अस्यायुर्देहि प्राणम् पञ्च) अनुवाक-3

(पते - शिर - ऋतावरीर्, ऋद्ध्यासंमद्य मुखस्य शिरः - शिरः - शिरोऽसि - +नवं च) 2

### T.A.7.3.1

वृष्णो अश्वस्य निष्पदसि । वरुणस्त्वा धृतव्रत आधूपयतु । मित्रावरुणयोर् ध्रुवेण धर्मणा ॥  
अर्चिषे त्वा । शोचिषे त्वा । ज्योतिषे त्वा । तपसे त्वा ॥ अभीमम् मंहिना दिवम् । मित्रो  
बभूव सप्रथाः । उत श्रवसा पृथिवीम् 8

### T.A.7.3.2

मित्रस्य चरषणीधृतः । श्रवो देवस्य सानसिम् । द्युमन्त्रित्रश्रवस्तमम् ॥ सिद्धयै त्वा । देवस्त्वा  
सवितोद्वपतु । सुपाणिः स्वङ्गुरिः । सुबाहुरुत शक्त्या ॥ अपद्यमानः पृथिव्याम् । आशा दिश  
आ पृण । उत्तिष्ठ बृहन् भव 9

### T.A.7.3.3

ऊर्द्धस्तिष्ठ ध्रुवस्त्वम् ॥ सूर्यस्य त्वा चक्षुषाऽन्वीक्षे । ऋजवे त्वा । साधवे त्वा । सुक्षित्यै त्वा  
भूत्यै त्वा ॥ इदमहममुमांमुष्यायणं विशा पशुभिर् ब्रह्मवर्चसेन पर्यूहामि । गायत्रेण त्वा छन्दसा  
ऽऽच्छृण्वि । त्रैष्टुभेन त्वा छन्दसा ऽऽच्छृण्वि । जागतेन त्वा छन्दसा ऽऽच्छृण्वि । छृणतु  
त्वा वाक् ( ) । छृणतु त्वोर्क् । छृणतु त्वा हविः । छृन्धि वाचम् । छृन्ध्यूर्जम् । छृन्धि हविः  
॥ देव पुरश्चर सध्यासन्त्वा । 10

(पृथिवीम् - भव - वाक् षट्) 3

#### T.A.7.4.1

ब्रह्मन् प्रवर्ग्येण प्रचरिष्यामः । होत॑र् घ॒र्मम॒भिष्टु॑हि । अग्नी॒द्रौहि॑णौ पुरो॒डाशा॒वधि॑श्रय । प्रति॑प्रस्थात॒र्विह॑र । प्रस्तो॑तः सामा॑नि गाय ॥ यजु॑र्युक्तः॒ साम॑भिरा॒क्त॒खन्त्वा । विश्वै॑र् दे॒वैरनु॑मतम् म॒रुद्भिः॑ । दक्षि॑णाभिः प्रत॑तम् पारयि॒ष्णुम् । स्तु॒भो वह॑न्तु सुम॒न॒स्यमा॑नम् । स नो॒ रुच॑न्धेह्यह॑णीयमानः ( ) । भूर्भुव॑स्सुवः । ओमिन्द्र॑वन्तः प्रच॑रत । 11

(अह॑णीयमानो द्वे च) 4

#### T.A.7.5.1

ब्रह्मन् प्रचरिष्यामः । होत॑र् घ॒र्मम॒भिष्टु॑हि ॥ य॒माय॑ त्वा म॒खाय॑ त्वा । सूर्य॑स्य॒ हर॑से त्वा ॥ प्रा॒णाय॑ स्वाहा॑ व्या॒नाय॑ स्वाहा॑ ऽपा॒नाय॑ स्वाहा॑ । चक्षु॑षे स्वाहा॑ श्रोत्रा॑य स्वाहा॑ । मन॑से स्वाहा॑ वा॒चे सर॑स्वत्यै स्वाहा॑ । दक्षा॑य स्वाहा॑ क्रत॑वे स्वाहा॑ । ओज॑से स्वाहा॑ बला॑य स्वाहा॑ ॥ दे॒वस्त्वा॑ सवि॒ता मद्धा॑ऽनक्तु 12

#### T.A.7.5.2

पृथि॑वीं तप॑सस्त्रायस्व । अ॒र्चिर॑सि शो॒चिर॑सि ज्योति॑रसि तपो॑ऽसि । स॒सीद॑स्व म॒हाऽ॒ अ॒सि । शोच॑स्व दे॒व॒वीत॑मः । वि धूम॑मग्ने अरु॒षम् मि॑येद्वय । सृज॑ प्रशस्त॒ दर॑शतम् ॥ अ॒ञ्जन्ति॑ यम् प्रथ॑यन्तो न विप्राः॑ । व॒पाव॑न्त॒न्नाग्नि॑ना तप॑न्तः । पि॒तुर्न पु॒त्र उप॑सि प्रेष्ठः॑ । आ घ॒र्मो अ॒ग्निमृ॑तय॑न्नसादीत् । 13

#### T.A.7.5.3

अ॒ना॒धृष्या॑ पुरस्ता॑त् । अ॒ग्नेरा॑धि॒पत्ये॑ । आयु॑र्मे दाः । पु॒त्रव॑ती दक्षि॒णतः॑ । इन्द्र॑स्याधि॒पत्ये॑ ।

प्रजाम् मे दाः । सुषदा पश्चात् । देवस्य सवितुराधिपत्ये । प्राणम् मे दाः । आश्रुतिरुत्तरतः  
14

#### T.A.7.5.4

मित्रावरुणयोराधिपत्ये । श्रोत्रम् मे दाः । विधृतिरुपरिष्ठात् । बृहस्पतेराधिपत्ये । ब्रह्म मे दाः  
क्षत्रम् मे दाः । तेजो मे धा वचो मे धाः । यशो मे धा स्तपो मे धाः । मनो मे धाः ॥  
मनोरश्वांसि भूरिपुत्रा । विश्वाभ्यो मा नाष्ट्राभ्यः पाहि 15

#### T.A.7.5.5

सूपसदा मे भूया मा मा हिंसीः ॥ तपो ष्वग्रे अन्तराऽ अमित्रान् । तपाशऽसमरुषः परस्य  
। तपो वसो चिकितानो अचित्तान् । वि ते तिष्ठन्तामजरा अयासः ॥ चितः स्थ परिचितः ।  
स्वाहा मरुद्भिः परिश्रयस्व । मा असि । प्रमा असि । प्रतिमा असि 16

#### T.A.7.5.6

सुम्मा असि । विमा असि । उन्मा असि । अन्तरिक्षस्यान्तर्द्विरसि ॥ दिवन्तपसस्त्रायस्व ।  
आभिर् गीर्भिर् यदतो न ऊनम् । आप्यायय हरिवो वर्द्धमानः । यदा स्तोतृभ्यो महि गोत्रा रुजासि  
। भूयिष्ठभाजो अध ते स्याम ॥ शुक्रन्ते अन्यद् यजतन्ते अन्यत् 17

#### T.A.7.5.7

विषुरूपे अहनी द्यौरिवासि । विश्वा हि माया अवसि स्वधावः । भद्रा ते पूषन्निह रातिरस्तु ॥  
अरुहन् बिभर्षि सायकानि धन्व । अरुहन्निष्कं यजतं विश्वरूपम् । अरुहन्निदं दयसे विश्व-  
मभ्युवम् । न वा ओजीयो रुद्र त्वदस्ति ॥ गायत्रमसि । त्रैष्टुभमसि । जागंतमसि ( ) । मधु  
मधु मधु । 18

(अ॒न॒ - त्व॒सा॒दी - दु॒त्तर॒तः - पा॒हि - प्र॒ति॒मा अ॒सि - य॒ज्ञ॒तन्ते॑ अ॒न्य॒ञ् - जा॒ग॒त॒म॒स्येकं॑ च) 5

### T.A.7.6.1

द॒श प्रा॒चीर्द॒शं भा॒सि दक्षि॑णा । द॒शं प्र॒ती॒चीर्द॒शं भा॒स्युदी॑चीः । द॒शो॒र्द्धा भा॑सि सु॒म॒न॒स्य॒मा॒नः  
। स नो॑ रुच॒न्धे॒ह्यह॑णीय॒मानः॑ ॥ अ॒ग्नि॒ष्ट्वा व॒सु॒भिः पु॒रस्ता॑द्-रोचयतु गाय॒त्रेण॑ छन्द॒सा । स मां  
रुचि॑तो रोचय ॥ इन्द्र॑स्त्वा रु॒द्रैर्-दक्षि॑णतो रोचयतु त्रै॒ष्टु॒भेन॑ छन्द॒सा । स मां रुचि॑तो रोचय ।  
वरु॑णस्त्वाऽऽदि॒त्यैः प॒श्चाद्-रोच॑यतु जा॒ग॒तेन॑ छन्द॒सा । स मां रुचि॑तो रोचय 19

### T.A.7.6.2

द्यु॒ता॒न॒स्त्वा मा॒रु॒तो म॒रुद्भि॑रुत्त॒रतो॑ रोचय॒त्वानु॑ष्टु॒भेन॑ छन्द॒सा । स मां रुचि॑तो रोचय । बृ॒ह॒स्प॒ति॑स्त्वा  
वि॒श्वैर् दे॒वैरु॒परि॑ष्टाद्-रोचयतु पा॒ङ्केन॑ छन्द॒सा । स मां रुचि॑तो रोचय ॥ रोचि॑तस्त्वम् दे॒व घ॒र्म  
दे॒वेष्व॑सि । रोचि॑षीयाहम् म॒नुष्ये॑षु ॥ स॒म्रा॑ट् घ॒र्म रुचि॑तस्त्वं ए॒वेष्वायु॑ष्मा॒स्तेज॑स्वी ब्र॒ह्मव॑र्च॒स्यसि॑  
। रुचि॑तोऽहम् म॒नुष्ये॑ष्वायु॑ष्मा॒स्तेज॑स्वी ब्र॒ह्मव॑र्च॒सी भू॒यास॑म् ॥ रु॒गसि॑ । रुच॑म् मयि॑ धेहि ( ) 20

### T.A.7.6.3

मयि॑ रुक् ॥ द॒शं पु॒रस्ता॑द्-रोचसे । द॒शं दक्षि॑णा । द॒शं प्र॒त्यङ्मु॑ । द॒शोद॑ङ्मु॒ । द॒शो॒र्द्धो भा॑सि  
सु॒म॒न॒स्य॒मा॒नः । स नः॑ स॒म्रा॒डिष॑मूर्जम् धेहि । वा॒जी वा॒जिने॑ पवस्व । रोचि॑तो घ॒र्मो रु॑चीय । 21

(रोच॑य - धेहि - +नव॑ च) 6

### T.A.7.7.1

अ॒प॒श्य॒ङ्गोपा॑मनि॒पद्य॑मानम् । आ च॒ परा॑ च प॒थिभि॑श्चर॒न्तम् । स सु॒द्धी॒चीः स वि॒षू॒चीर्व॑सा॒नः । आ  
व॑रीव॒र्ति भु॑व॒नेष्व॑न्तः ॥ अत्र॑ प्रा॒वीः । मधु॑ मा॒द्धी॒भ्याम् मधु॑ मा॒धू॒ची॒भ्याम् । अनु॑ वाम् दे॒ववी॑तये

॥ सम॒ग्नि॒र॒ग्निना॑ गत । सम॒ दे॒वेन॑ सवि॒त्रा । सꣳ सूर्ये॑ण रोचते । 22

### T.A.7.7.2

स्वाहा॒ सम॒ग्निस्तप॑सा गत । सम॒ दे॒वेन॑ सवि॒त्रा । सꣳ सूर्ये॑णारोचिष्ट ॥ ध॒र्ता दि॒वो विभा॑सि रज॑सः । पृथि॑व्या ध॒र्ता । उ॒रोर॑न्तरिक्षस्य ध॒र्ता । ध॒र्ता दे॒वो दे॒वाना॑म् । अम॑र्त्यस्तपो॒जाः ॥ ह॒दे त्वा॒ मन॑से त्वा । दि॒वे त्वा॒ सूर्या॑य त्वा 23

### T.A.7.7.3

ऊ॒र्द्धमि॒म-म॑द्धरङ्गु॒धि । दि॒वि दे॒वेषु॑ होत्रा॑ यच्छ ॥ वि॒श्वा॑साम् भु॒वाम् पते॑ । वि॒श्वस्य॑ भुवनस्पते । वि॒श्वस्य॑ मनसस्पते । वि॒श्वस्य॑ वचसस्पते । वि॒श्वस्य॑ तपसस्पते । वि॒श्वस्य॑ ब्रह्मणस्पते । दे॒वश्रू॑स्त्वन्दे॒व घ॑र्म दे॒वान् पा॑हि ॥ त॒पो॒जां वाच॑म॒स्मे निय॑च्छ दे॒वायु॑वम् । 24

### T.A.7.7.4

ग॒र्भो दे॒वाना॑म् ॥ पि॒ता म॑तीनाम् ॥ पतिः॑ प्र॒जाना॑म् ॥ मतिः॑ कवीनाम् ॥ सन्दे॒वो दे॒वेन॑ सवि॒त्राऽय॑तिष्ट । सꣳ सूर्ये॑णारुक्त ॥ आ॒यु॒र्दास्त्वम॒स्मभ्यं॑ घ॑र्म व॒र्चो॒दा अ॑सि ॥ पि॒ता नो॑ऽसि पि॒ता नो॑ बोध ॥ आ॒यु॒र्द्धास्त॑नू॒धाः प॑यो॒धाः । व॒र्चो॒दा व॑रि॒वो॒दा द्र॑वि॒णो॒दाः 25

### T.A.7.7.5

अ॒न्तरि॑क्षप्र उ॒रोर्व॑री॒यान् । अ॒शीम॑हि॒ त्वा॒ मा मा॑ हि॒सीः ॥ त्वम॑ग्रे गृहप॑तिर॒वि॒शाम॑सि । वि॒श्वा॑साम् मानु॑षीणाम् । श॒तम् पू॒र्भिर्य॑विष्ठ पा॒ह्यः ह॑सः । स॒मे॒द्धारः॑ श॒तः हि॑माः । तं द्रा॒विणः॑ हा॒र्दि॒वान॑म् । इ॒हैव॑ रा॒तयः॑ सन्तु ॥ त्वष्टी॑मती ते सपे॒य । सु॒रेता॒ रेतो॑ द॒धाना॑ ( ) । वी॒रं वि॑दे॒य तव॑ स॒न्दृशि॑ । माऽहः॑ रा॒यस्पोषे॑ण वि योष॑म् । 26

(रोचते-सूर्यय त्वा - देवायुवं - द्रविणोदा - दधाना द्वे च) 7



**T.A.7.8.1**

देवस्य॑ त्वा सवि॒तुः प्र॑स॒वे । अ॒श्विनो॑र् बा॒हुभ्या॑म् । पू॒ष्णो ह॑स्ता॒भ्यामा॑ द॒दे ॥ अ॒दित्यै॑ रा॒स्त्रांसि॑  
। इ॒ड एहि॑ । अ॒दित॑ एहि॑ । सर॑स्व॒त्येहि॑ । असा॒वेहि॑ । असा॒वेहि॑ । असा॒वेहि॑ 27

**T.A.7.8.2**

अ॒दित्या॑ उ॒ष्णीष॑मसि । वा॒युर॑स्यै॒डः । पू॒षा त्वो॑पाव॑सृजतु । अ॒श्विभ्या॑म् प्र दा॑पय । यस्ते॒ स्तनः॑  
शश॑यो यो म॑यो॒भूः । येन॑ वि॒श्वा पु॑ष्य॑सि वा॒र्याणि॑ । यो र॑त्न॒धा व॑सुवि॒द्यः सु॒दत्रः॑ । सर॑स्वति॒  
तमि॒ह धा॑त॒वेऽकः॑ ॥ उ॒स्रं घ॑र्म॒श् शि॑श्ष । उ॒स्रं घ॑र्मम् पा॑हि 28

**T.A.7.8.3**

घ॒र्माय॑ शि॒श्ष । बृ॒हस्प॑ति॒स्त्वोप॑सीदतु । दान॑वः स्थ पे॒रवः॑ । वि॒ष्वग्वृ॑तो लोहि॑तेन । अ॒श्विभ्या॑म्  
पि॒न्वस्व॑ । सर॑स्व॒त्यै पि॒न्वस्व॑ । पू॒ष्णे पि॑न्वस्व । बृ॒हस्प॑तये पि॒न्वस्व॑ । इन्द्रा॑य पि॒न्वस्व॑ ।  
इन्द्रा॑य पि॒न्वस्व॑ 29

**T.A.7.8.4**

गा॒य॒त्रोऽसि॑ । त्रै॒ष्टु॒भोऽसि॑ । जा॒ग॒तम॑सि । स॒होर्जो॑ भा॒गेनो॑प मेहि॑ । इन्द्रा॑श्विना॒ मधु॑नः सा॒र॒घस्य॑  
। घ॒र्मम् पा॑त वसवो॒ यज॑ता॒ वट् । स्वाहा॑ त्वा॒ सूर्य॑स्य र॒श्मये॑ वृष्टि॒वन॑ये जुहोमि । मधु॑ ह॒विर॑सि  
। सूर्य॑स्य॒ तप॑स्तप । द्यावा॑पृथि॒वीभ्या॑ त्वा॒ परि॑गृह्णामि ( ) 30

**T.A.7.8.5**

अ॒न्तरि॑क्षेण॒ त्वोप॑यच्छामि । दे॒वानां॑ त्वा पि॒तृणा॑मनु॒मतो॑ भर्तु॑श् शके॒यम् । तेजो॑ऽसि । तेजो॑ऽनु॒प्रेहि॑  
। दि॒विस्पृ॑ङ्गा मां हि॒ंसीः । अ॒न्तरि॑क्ष॒स्पृङ्गा मां हि॒ंसीः । पृथि॒विस्पृ॑ङ्गा मां हि॒ंसीः । सु॒व॑र॒सि  
सु॒व॑र्मे यच्छ । दि॒वं यच्छ॑ दि॒वो मां पा॑हि । 31

(एहिं - पाहि - पिन्वस्व - गृह्णामि - + नव च) 8

### T.A.7.9.1

समुद्राय॑ त्वा॒ वाता॑य॒ स्वाहा॑ । स॒ल्लिला॑य॒ त्वा॒ वाता॑य॒ स्वाहा॑ । अ॒नाधृ॑ष्याय॒ त्वा॒ वाता॑य॒ स्वाहा॑ ।  
अ॒प्रति॑धृष्याय॒ त्वा॒ वाता॑य॒ स्वाहा॑ । अ॒व॒स्य॑वे॒ त्वा॒ वाता॑य॒ स्वाहा॑ । दु॒वंस्व॑ते त्वा॒ वाता॑य॒ स्वाहा॑  
। शि॒मि॑द्वते त्वा॒ वाता॑य॒ स्वाहा॑ । अ॒ग्र॑ये॒ त्वा॒ वसु॑मते॒ स्वाहा॑ । सोमा॑य॒ त्वा॒ रु॒द्र॑वते॒ स्वाहा॑ ।  
वरु॑णाय॒ त्वाऽऽदित्य॑वते॒ स्वाहा॑ 32

### T.A.7.9.2

बृ॒ह॒स्प॑तये॒ त्वा॒ वि॒श्व॑दै॒व्या॑वते॒ स्वाहा॑ । स॒वि॒त्रे॒ त्वं॑भु॒मते॑ वि॒भु॒मते॑ प्र॒भु॒मते॑ वा॒ज॑वते॒ स्वाहा॑ । य॒मा॒य॒  
त्वाऽङ्गि॑र॒स्वते॑ पि॒तृ॒मते॑ स्वाहा॑ ॥ वि॒श्वा॒ आ॒शा॑ दक्षि॒ण॒सत् । वि॒श्वा॑न् दे॒वान॑न॒याडि॑ह । स्वाहा॑कृतस्य  
घ॒र्म॒स्य॑ । म॒धोः॑ पि॒ब॒त॒म॒श्वि॒ना । स्वाहा॑ऽग्नये॒ य॒ज्ञि॒या॑य । शं॒ य॒जु॑र्भिः ॥ अ॒श्वि॑ना घ॒र्म॒म् पा॑तः  
हा॒र्दि॒वा॒नम् 33

### T.A.7.9.3

अ॒ह॒र्-दि॒वाभि॑-रू॒तिभिः॑ । अ॒नु॑ वा॒न् द्या॒वापृ॑थि॒वी म॑ःसाताम् । स्वा॒हेन्द्रा॑य ॥ स्वा॒हेन्द्रा॑वट् ।  
घ॒र्म॒म॒पा॒त॒म॒श्वि॒ना हा॒र्दि॒वा॒नम् । अ॒ह॒र्-दि॒वाभि॑रू॒तिभिः॑ । अ॒नु॑ वा॒न् द्या॒वापृ॑थि॒वी अ॑म॒ःसा॑ताम् ।  
तम् प्रा॒व्यं॑ यथा॒ वट् । नमो॑ दि॒वे । नमः॑ पृथि॒व्यै ( ) 34

### T.A.7.9.4

दि॒वि धा॑ इ॒मं य॒ज्ञम् । य॒ज्ञि॒मं दि॒वि धाः॑ । दि॒वंङ्ग॑च्छ । अ॒न्त॒रि॑क्ष॒ङ्ग॑च्छ । पृथि॒वीङ्ग॑च्छ । प॒ञ्च  
प्र॒दि॒शो ग॑च्छ । दे॒वान् घ॑र्म॒पान् ग॑च्छ । पि॒तृन् घ॑र्म॒पान् ग॑च्छ । 35

(आदित्यवन्ते स्वाहा-हार्दिवानम्-पृथिव्या- + अष्टौ च) 9

#### T.A.7.10.1

इ॒षे पी॑पिहि । ऊ॒र्जे पी॑पिहि । ब्र॒ह्म॑णे पीपिहि । क्ष॒त्राय॑ पीपिहि । अ॒द्भ्यः पी॑पिहि । ओष॑धीभ्यः  
पीपिहि । वन॒स्पति॑भ्यः पीपिहि । द्यावा॑पृथि॒वीभ्या॑म् पीपिहि । सु॒भूताय॑ पीपिहि । ब्र॒ह्म॑व॒र्चसाय॑  
पीपिहि 36

#### T.A.7.10.2

यज॑मानाय पीपिहि । म॒ह्यञ्ज्यै॑ष्ठ्याय पीपिहि ॥ त्विष्यै॑ त्वा । द्यु॒म्नाय॑ त्वा । इ॒न्द्रियाय॑ त्वा भू॒त्यै  
त्वा । धर्मा॑ऽसि सु॒धर्मा॑ मे न्य॒स्मे । ब्र॒ह्मा॑णि धारय । क्ष॒त्राणि॑ धारय । वि॒शन्धार॑य । ने॒त्वा  
वा॑तः स्क॒न्दया॑त् 37

#### T.A.7.10.3

अ॒मुष्य॑ त्वा प्रा॒णे सा॑दयामि । अ॒मुना॑ स॒ह नि॑र॒र्थङ्ग॑च्छ । यो॑ऽस्मान् द्वेष्टि । य॒ञ्च व॒यं द्वि॑ष्मः ॥  
पू॒ष्णे शर॑से स्वाहा॑ । ग्रा॒व॑भ्यः स्वाहा॑ । प्र॒तिरे॑भ्यः स्वाहा॑ । द्यावा॑पृथि॒वीभ्या॑ः स्वाहा॑ । पि॒तृभ्यो॑  
घ॒र्मपे॑भ्यः स्वाहा॑ ॥ रु॒द्राय॑ रु॒द्रहो॑त्रे स्वाहा॑ 38

#### T.A.7.10.4

अ॒हर् ज्योतिः॑ के॒तुना॑ जुषताम् । सु॒ज्योति॑र् ज्योति॒षाः स्वाहा॑ । रा॒त्रिर्ज्योतिः॑ के॒तुना॑ जुषताम् ।  
सु॒ज्योति॑र्-ज्योति॒षाः स्वाहा॑ । अ॒पी॒परो॑ माऽहो रा॒त्रियै॑ मा पाहि । ए॒षा ते॑ अ॒ग्ने स॒मित् । तया॑  
स॒मि॒द्ध्यस्व । आयु॑र्मे दाः । व॒र्चसा॑ माऽञ्जीः । अ॒पी॒परो॑ मा॒ रा॒त्रिया॑ अ॒हो मा॑ पाहि 39

#### T.A.7.10.5

ए॒षा ते॑ अ॒ग्ने स॒मित् । तया॑ स॒मि॒द्ध्यस्व । आयु॑र्मे दाः । व॒र्चसा॑ माऽञ्जीः । अ॒ग्निर्-ज्योति॑र्-

ज्योति॑रग्निः स्वाहा॑ । सूर्यो॑ ज्योति॑र-ज्योतिः॑ सूर्यः॑ स्वाहा॑ । भूः स्वाहा॑ । हु॒तः॑ ह॒विः । मधु॑  
ह॒विः । इन्द्र॑तमेऽग्नौ ( ) 40

### T.A.7.10.6

पि॒ता नोऽसि॑ मा मां हि॒सीः । अ॒श्यामं॑ ते देव॒घर्म॑ । मधु॑मतो वाज॑वतः पितु॑मतः । अङ्गि॑रस्वतः  
स्वधा॒विनः॑ । अ॒शीमहि॑ त्वा मा मां हि॒सीः ॥ स्वाहा॑ त्वा सूर्य॑स्य र॒श्मिभ्यः॑ । स्वाहा॑ त्वा  
नक्ष॑त्रेभ्यः । 41

(ब्रह्मव॑र्चसाय॑ पीपिहि - स्क॒न्दया॑द् - रु॒द्राय॑ रु॒द्रहो॑त्रे स्वाहा - ऽहो॑ मा पाह - य॒ग्नौ - + सप्त॑ च) 10

### T.A.7.11.1

घर्म॑ या ते दि॒वि शुक् । या गा॑यत्रे छन्द॑सि । या ब्रा॑ह्मणे । या ह॑वि॒र्द्धाने॑ । तान्तं॑ ए॒तेनाव॑यजे  
स्वाहा॑ ॥ घर्म॑ या तेऽन्तरि॑क्षे शुक् । या त्रै॑ष्टु॒भे छन्द॑सि । या रा॑ज॒न्ये । याऽऽग्नी॑द्वे । तान्तं॑  
ए॒तेनाव॑यजे स्वाहा॑ 42

### T.A.7.11.2

घर्म॑ या ते पृ॒थिव्या॑ शुक् । या जा॑गते छन्द॑सि । या वै॒श्ये । या स॑द॒सि । तान्तं॑ ए॒तेनाव॑यजे  
स्वाहा॑ ॥ अनु॑नोऽद्यानु॑मतिः॑ 1 । अ॒न्विद॑नुमते॒ त्वम् 2 । दि॒वस्त्वा॑ पर॒स्पायाः॑ । अ॒न्तरि॑क्षस्य  
तनु॑वं पाहि । पृ॒थिव्या॑स्त्वा धर्म॑णा 43

### T.A.7.11.3

व॒यमनु॑क्रामाम सु॒विता॑य नव्य॑से ॥ ब्रह्म॑णस्त्वा पर॒स्पायाः॑ । क्ष॒त्रस्य॑ तनु॑वं पाहि । वि॒शस्त्वा॑  
धर्म॑णा । व॒यमनु॑क्रामाम सु॒विता॑य नव्य॑से ॥ प्रा॒णस्य॑ त्वा पर॒स्पायै॑ । चक्षु॑षस्तनु॑वं पाहि ।  
श्रो॒त्रस्य॑ त्वा धर्म॑णा । व॒यमनु॑क्रामाम सु॒विता॑य नव्य॑से ॥ व॒ल्गुरा॑सि शं॒युधा॑याः 44

**T.A.7.11.4**

शिशुर-जनधायाः ॥ शञ्च वक्षि परिं च वक्षि । चतुः सक्तिर्नाभिर्, ऋतस्य । सदो विश्वायुः शर्म सप्रथाः । अप द्वेषो अप ह्वरः । अन्यद्वेतस्य सश्चिम । घर्मेतत् तेऽन्नमेतत् पुरीषम् । तेन वद्धस्व चा च प्यायस्व । वृद्धिषीमहि च वयम् । आ च प्यासिषीमहि । 45

**T.A.7.11.5**

रन्तिर-नामांसि दिव्यो गन्धर्वः । तस्य ते पृद्धद्विर्द्वानम् । अग्निरद्वयक्षाः । रुद्रोऽधिपतिः ॥ समहमायुषा । सम् प्राणेन । संवर्चसा । सम् पयसा । सङ्गौपत्येन । सः रायस्पोषेण । 46

**T.A.7.11.6**

व्यंसौ । योऽस्मान् द्वेष्टि । यञ्च वयं द्विष्मः ॥ अचिक्रदुदृषा हरिः । महान्-मित्रो न दंशतः । सः सूर्येण रोचते ॥ चिदंसि समुद्रयोनिः । इन्दुर दक्षः श्येन ऋतावा । हिरण्यपक्षः शकुनो भुरण्युः । महान् सधस्थे ध्रुव आनिषत्तः 47

**T.A.7.11.7**

नमस्ते अस्तु मा मां हिंसीः ॥ विश्वावसुः सोम गन्धर्वम् । आपो ददृशुषीः । तदृतेना व्यायन् । तदुन्वैत् । इन्द्रो रारहाण आसाम् । परि सूर्यस्य परिधीः रपश्यत् ॥ विश्वावसुरभि तन्नो गृणातु । दिव्यो गन्धर्वो रजसो विमानः । यद्वा घा सत्यमुत यन्न विद्म 48

**T.A.7.11.8**

धियो हिन्वानो धियु इन्नो अव्यात् ॥ सस्त्रिमविन्दुच्चरणे नदीनाम् । अपावृणोद्-दुरो अश्मव्रजानाम् । प्रासांन् गन्धर्वो अमृतांनि वोचत् । इन्द्रो दक्षम् परिजानादहीनम् ॥ एतत्त्वम् देव घर्म देवो देवानुपांगाः । इदमहम् मनुष्यो मनुष्यान् । सोमपीथानु मेहि । सह प्रजया सह रायस्पोषेण ॥

सुमित्रा न आप ओषधयः सन्तु ( ) 49

### T.A.7.11.9

दुर्मित्रास्तस्मै भूयासुः । योऽस्मान् द्वेष्टि । यञ्च वयं द्विष्मः ॥ उद्वयन्तमसुस्परि 3 । उदुत्यं चित्रम् 4 । इमम् षु त्यम्स्मभ्यश् सनिम् । गायत्रन्नवीयाऽसम् । अग्रे देवेषु प्रवोचः । 50

(याऽऽग्नीद्वे तान्ता एतेनावयजे स्वाहा - धर्मणा - शं युधायाः - प्यासिषीमहि-पोषेण-निषत्तो-विघ्न-सन्-+ त्वष्टौ च) 11

### T.A.7.12.1

महीनाम् पयोऽसि विहितं देवत्रा । ज्योतिर्भा असि वनस्पतीनामोषधीनाऽ रसः । वाजिनम् त्वा वाजिनोऽव नयामः । ऊर्द्धम् मनः सुवर्गम् । 51

(णो कोर्वे fओर् थिस् अनुवक्त्रम् ) 12

### T.A.7.13.1

अस्कान् द्यौः पृथिवीम् । अस्कानृषभो युवा गाः । स्कन्नेमा विश्वा भुवना । स्कन्नो यज्ञः प्रजनयतु ॥ अस्कानजनि प्राजनि । आ स्कन्नाज्जायते वृषा । स्कन्नात् प्रजनिषीमहि । 52

(णो कोर्वे fओर् थिस् अनुवक्त्रम् ) 13

### T.A.7.14.1

या पुरस्ताद् विद्युदापतत् । तान्तं एतेनाव यजे स्वाहा । या दक्षिणतः । या पश्चात् । योत्तरतः । योपरिष्ठाद् विद्युदापतत् । तान्तं एतेनाव यजे स्वाहा । 53

(णो कोर्वै fओर् थिस् अनुवक्कम् ) 14

#### T.A.7.15.1

प्रा॒णाय॒ स्वाहा॑ व्या॒नाय॒ स्वाहा॑ ऽप॒नाय॒ स्वाहा॑ । चक्षु॑षे॒ स्वाहा॒ श्रोत्रा॑य॒ स्वाहा॑ । मन॑से॒ स्वाहा॑  
वा॒चे सर॑स्वत्यै॒ स्वाहा॑ । 54

(णो कोर्वै fओर् थिस् अनुवक्कम् ) 15

#### T.A.7.16.1

पू॒ष्णे स्वाहा॑ पू॒ष्णे शर॑से॒ स्वाहा॑ । पू॒ष्णे प्र॑प॒त्थ्याय॒ स्वाहा॑ पू॒ष्णे न॒रन्धि॑षाय॒ स्वाहा॑ । पू॒ष्णे ऽङ्घ्रि॑णये॒  
स्वाहा॑ पू॒ष्णे न॒रुणा॑य॒ स्वाहा॑ । पू॒ष्णे सा॑के॒ताय॒ स्वाहा॑ । 55

(णो कोर्वै fओर् थिस् अनुवक्कम् ) 16

#### T.A.7.17.1

उद॑स्य॒ शुष्मा॑द् भा॒नुर्ना॑र्त॒ बिभ॑र्ति । भा॒रम् पृ॑थि॒वी न भू॑मं । प्र शु॒क्रैतु॑ दे॒वी म॑नी॒षा । अ॒स्मथ्  
सुत॑ष्ठो॒ रथो॒ न वा॒जी । अ॒र्चन्त॑ ए॒के महि॑ सामं॒ मन्व॑त । तेन॒ सूर्य॑म॒धारय॑न् । तेन॒ सूर्य॑म॒रोच॑यन्  
। घ॒र्मः शि॒रस्त॑द॒यम॑ग्निः । पु॒रीष॑म॒सि संप्रि॑यम् प्र॒जया॑ प॒शुभि॑र्भुवत् । प्र॒जाप॑ति॒स्त्वा सा॑दयतु ।  
तया॑ दे॒वता॑या ऽङ्गि॒रस्व॑द् ध्रु॒वा सी॑द । 56

(णो कोर्वै fओर् थिस् अनुवक्कम् ) 17

#### T.A.7.18.1

यास्ते॑ अ॒ग्र आ॒र्द्रा यो॒नयो॑ याः कु॒ला॒यिनीः॑ । ये ते॑ अ॒ग्र इ॒न्द्रो॒ वा या उ॒ नाभ॑यः । यास्ते॑ अ॒ग्रे  
तु॒नुव॒ ऊ॒र्जो॑ नाम॑ । ताभि॒स्त्वमु॒भयी॑भिः स॒म्वि॒द्वानः॑ । प्र॒जाभि॑र॒ग्ने द्र॒विणे॑ह सीद॑ । प्र॒जाप॑तिस्त्वा  
साद॒यतु॑ । तया॑ दे॒वता॑याऽङ्गि॒रस्वद् ध्रु॒वा सीद॑ । 57

(णो कोर्वै fओर् थिस् अनुवक्त्रम्) 18

### T.A.7.19.1

अ॒ग्निरो॑सि वै॒श्वान॑रोऽसि । स॒म्व॒थ्स॑रोऽसि परि॒व॒थ्स॑रोऽसि । इ॒दा॒व॒थ्स॑रोऽसीदु॒व॒थ्स॑रोऽसि । इ॒द्व॒थ्स॑रोऽसि  
व॒थ्स॑रोऽसि । तस्य॑ ते वस॒न्तः शि॒रः । ग्री॒ष्मो दक्षि॑णः प॒क्षः । व॒रू॒षाः पु॒च्छम् । श॒रदु॑त्तरः  
प॒क्षः । हे॒म॒न्तो म॒द्वय॑म् । पू॒र्वप॒क्षाश्चि॑तयः ( ) । अ॒पर॒प॒क्षाः पु॒रीष॑म् । अ॒हो॒रा॒त्राणी॑ष्टकाः ।  
तस्य॑ ते मा॒साँश्चा॒र्द्धमा॒साश्च॑ कल्पन्ताम् । ऋ॒तव॑स्ते कल्पन्ताम् । स॒म्व॒थ्स॑रस्ते कल्पताम् ।  
अ॒हो॒रा॒त्राणि॑ ते कल्पन्ताम् । ए॒ति प्रे॒ति वी॒ति स॒मित्यु॑दिति॑ । प्र॒जाप॑तिस्त्वा साद॒यतु॑ । तया॑  
दे॒वता॑याऽङ्गि॒रस्वद् ध्रु॒वा सीद॑ । 58

(चितयो नव च) 19

### T.A.7.20.1

भूर्भु॒वस्सु॑वः । ऊ॒र्द्ध ऊ॒ षुण॑ ऊ॒तये॑ । ऊ॒र्द्धो नः॑ पा॒ह्यऽह॑सः ॥ वि॒धु॒न्द॒द्राण॑ः स॒मने॑ ब॒हूना॑म् ।  
यु॒वा॒नः स॒न्तम् प॒लितो॑ ज॒गार॑ । दे॒वस्य॑ पश्य॒ काव्य॑म् म॒हित्वाऽद्या॑ म॒मार॑ । स ह्युः॑ स॒मान॑ ॥  
यदृ॒ते चि॑दभि॒श्रिषः॑ । पु॒रा ज॒र्त॒भ्य आ॒तृदः॑ । स॒न्धा॒ता स॒न्धिम् म॒घवा॑ पु॒रोव॑सुः 59

### T.A.7.20.2

निष्क॑र्ता वि॒हु॒तम् पु॒नः ॥ पु॒नरू॒र्जाऽ, स॒ह र॒य्या 6 । मा नो॑ घ॒र्म व्य॑थि॒तो वि॒व्यथो॑ नः । मा  
नः प॒रम॑ध॒र॒म्मा र॒जोऽनैः॑ । मो॒ष्व॒स्मा स्त॑म॒स्यन्त॒रा धाः॑ । मा रु॒द्रिया॑सो अ॒भिगु॑र्वृ॒धानः॑ ॥ मा



नः क्रतु॑भिर्, हीडि॑तेभि॒र॒स्मान् । द्विषा॑ सुनी॒ते मा परा॑दाः । मा नो॑ रु॒द्रो निर॒ऋति॑र्मा नो अस्ता॑  
। मा द्यावा॑पृथि॒वी हीडि॑षाताम् । 60

### T.A.7.20.3

उप॑ नो मि॒त्रावरु॑णावि॒हाव॑तम् । अ॒न्वादी॑द्भ्या॒थामि॑ह नः सखा॒या । आ॒दित्या॑ना॒म् प्रसि॑तिर॒हेतिः  
। उ॒ग्रा श॒तापी॑ष्ठा घृ॒ विषा॑ परि॒णो वृ॑णक्तु ॥ इ॒मम् मे॑ वरु॒ण७, तत्त्वा॑ यामि॒८ । त्वन्नो॑ अ॒ग्ने९, स  
त्वन्नो॑ अ॒ग्ने१० । त्वम॑ग्ने अ॒यासि॑११) ॥ उ॒द्वय॑न्तम॑स॒स्परि॑ १२ । उ॒दुत्यं॑१३, चि॒त्रम् १४ । वयः॑  
सुप॒र्णाः १५ ( ) । 61

(पुरो॒वसु॑र॒हीडि॑षाताः सुप॒र्णाः) 20

### T.A.7.21.1

भूर्भुव॑स्सुवः । मयि॑ त्यदि॒न्द्रिय॑म् म॒हत् । मयि॑ दक्षो॒ मयि॑ क्रतुः । मयि॑ धायि सु॒वीर्य॑म् ।  
त्रिशु॑ग्ध॒र्मो विभा॑तु मे । आकू॑त्या॒ मन॑सा स॒ह । वि॒राजा॒ ज्योति॑षा स॒ह । यु॒ज्ञेन॑ पय॑सा स॒ह ।  
ब्रह्म॑णा॒ तेज॑सा स॒ह । क्ष॒त्रेण॑ यश॑सा स॒ह ( ) । स॒त्येन॑ तप॑सा स॒ह । तस्य॑ दोह॑मशीमहि ।  
तस्य॑ सु॒म्रम॑शीमहि । तस्य॑ भ॒क्षम॑शीमहि । तस्य॑ तु इ॒न्द्रेण॑ पी॒तस्य॑ मधु॑मतः । उप॑हूत॒स्योप॑हूतो  
भक्ष॑यामि । 62

(यश॑सा स॒ह षट्) 21

### T.A.7.22.1

यास्ते॑ अ॒ग्ने घो॒रास्त॑नुवः । क्षु॒च्च तृ॑ष्णा च । अ॒स्तुक्चाना॑हुतिश्च । अ॒श॒न॒या च॑ पिपा॒सा च॑ ।  
सेदि॑श्चाम॑तिश्च । ए॒तास्ते॑ अ॒ग्ने घो॒रास्त॑नुवः । ताभि॑र॒मुङ्ग॑च्छ । योऽ॒स्मान् द्वेष्टि॑ । यञ्च॑ व॒यं द्वि॑ष्मः  
। 63

(णो कोर्वे fओर् थिस् अनुवक्कम् ) 22

### T.A.7.23.1

स्निक्च स्त्रीहि॑तिश्च स्निहि॑तिश्च । उ॒ष्णा च॑ शी॒ता च॑ । उ॒ग्रा च॑ भी॒मा च॑ । स॒दाम्नी॑ से॒दिरनि॑रा ।  
ए॒तास्ते॑ अ॒ग्ने घो॒रास्त॑नुवः । ताभि॑रमु॒ङ्गच्छ॑ । योऽस्मा॑न् द्वेष्टि॑ । यञ्च॑ व॒यं द्वि॒ष्मः । 64

(णो कोर्वे fओर् थिस् अनुवक्कम् ) 23

### T.A.7.24.1

धुनि॑श्च ध्वान्त॑श्च ध्वन॑श्च ध्वनय॑श्च । नि॒लिम्प॑श्च वि॒लिम्प॑श्च वि॒क्षिपः॑ । 65

(णो कोर्वे fओर् थिस् अनुवक्कम् ) 24

### T.A.7.25.1

उ॒ग्रश्च॑ धुनि॑श्च ध्वान्त॑श्च ध्वन॑श्च ध्वनय॑श्च । स॒हस॒ह्वाश्च॑ स॒हमा॑नश्च स॒हस्वा॑श्च स॒हीया॑श्च ।  
ए॒त्य॒ प्रेत्य॑ वि॒क्षिपः॑ । 66

(णो कोर्वे fओर् थिस् अनुवक्कम् ) 25

### T.A.7.26.1

अ॒होरा॒त्रे त्वोदी॑रयताम् । अ॒र्द्धमा॒सास्त॑वोदी॑ जयन्तु । मा॒सांस्त्वा श्र॑पयन्तु । ऋ॒तव॑स्त्वा पचन्तु  
। स॒म्व॒त्स॒रस्त्वा॑ हन्त्वसौ । 67

(णो कोर्वे fओर् थिस् अनुवक्कम् ) 26

**T.A.7.27.1**

खट् फड् ज॒हि । छिन्धी भिन्धी ह॒न्धी कट् । इति॒ वाचः॑ क्रूरा॒णि । 68

(णो कोर्वै fओर् थिस् अनुवक्त्रम्) 27

**T.A.7.28.1**

विगा॑ ईन्द्र॑ वि॒चर॑न्थ॒ स्वाश॑यस्व । स्व॒पन्त॑मिन्द्र॒ पशु॑मन्त॒मिच्छ॑ । वज्रे॑णामु॒म बो॑धय॒ दुर्वि॑दत्र॒म् ।  
 । स्व॒प॒तौऽस्य॑ प्र॒हेर् भो॑जनेभ्यः ॥ अ॒ग्ने अ॒ग्निना॑ स॒म्व॑दस्व । मृ॒त्यो मृ॒त्युना॑ स॒म्व॑दस्व ।  
 नम॑स्ते अस्तु भगवः ॥ स॒कृते॑ अ॒ग्ने नमः॑ । द्वि॒स्ते नमः॑ । त्रि॒स्ते नमः॑ ( ) । च॒तुस्ते॑ नमः॑ ।  
 । प॒ञ्चकृ॑त्व॒स्ते नमः॑ । द॒शकृ॑त्व॒स्ते नमः॑ । श॒तकृ॑त्व॒स्ते नमः॑ । आ॒स॒ह॒स्रकृ॑त्व॒स्ते नमः॑ ।  
 अ॒परि॑मि॒तकृ॑त्व॒स्ते नमः॑ । नम॑स्ते अस्तु मा मा॑ हि॒ंसीः । 69

(त्रिस्ते नमः सप्त च) 28

0

(4) (णो कोर्वै fओर् थिस् अनुवक्त्रम् ) 29

**T.A.7.30.1**

यदे॒तद्-वृ॑क॒सो भू॒त्वा । वाग् दै॒व्यभि॑राय॒सि । द्विष॑न्त॒म् मेऽभि॑राय । तम् मृ॒त्यो मृ॒त्यवे॑ नय ।  
 स आ॒र्त्याऽऽर्ति॑माच्छ॒तु । 71

(णो कोर्वै fओर् थिस् अनुवक्कम् ) 30

### T.A.7.31.1

यदी॑षितो यदि॑ वा स्वका॒मी । भु॒येडं॑को वद॑ति वाच॑मे॒ताम् । तामिन्द्रा॑ग्नी ब्रह्म॑णा सम्॒विद॑नौ ।  
शि॒वाम॒स्मभ्य॑ कृणुत॒द्भृहेषु॑ । 72

(णो कोर्वै fओर् थिस् अनुवक्कम् ) 31

### T.A.7.32.1

दी॒र्घमु॑खि॒ दुर॒ह॑णु । मा स्म॑ दक्षि॒णतो॑ वदः । यदि॑ दक्षि॒णतो॑ वदौ॑द् द्विष॑न्त॒म् मेऽ॒व॑ बाधा॒सै । 73

(णो कोर्वै fओर् थिस् अनुवक्कम् ) 32

### T.A.7.33.1

इ॒त्थादु॒ल्लू॑क॒ आप॑सत् । हि॒र॒ण्या॒क्षो अ॒योमु॑खः । रक्ष॑सान्द्रू॒त आ॑गतः । तमि॒तो ना॑शया॒ग्रे । 74

(णो कोर्वै fओर् थिस् अनुवक्कम् ) 33

### T.A.7.34.1

यदे॒तद् भू॒तान्य॑न्वा॒विश्य॑ । दै॒वीं वाचं॑ व॒दसि॑ । द्विष॑तो॒ नुः परा॑वद । तान् मृ॒त्यो मृ॒त्यवे॑ नय ।  
त आ॒र्त्याऽऽर्ति॑माच्छ॑न्तु । अ॒ग्निना॒ऽग्निः सम्॑व॒दताम् । 75

(णो कोर्वै fओर् थिस् अनुवक्कम् ) 34

**T.A.7.35.1**

प्रसार्य॑ स॒क्थ्यौ॑ पत॑सि । स॒व्यमक्षि॑ नि॒पेपि॑ च । मेह॑ क॒स्यच॒नाम॑मत् । 76

(णो कोर्वै fओर् थिस् अनुवक्कम् ) 35

**T.A.7.36.1**

अत्रि॑णा त्वा क्रि॒मे ह॒न्मि । कण्वे॑न ज॒मद॑ग्निना । वि॒श्वाव॑सोर् ब्रह्म॑णा ह॒तः । क्रिमी॑णाः राजा॑ ।  
अप्ये॑षाः स्थ॒पति॑र्ह॒तः । अथो॑ मा॒ताऽथो॑ पि॒ता । अथो॑ स्थू॒रा अथो॑ क्षु॒द्राः । अथो॑ कृ॒ष्णा अथो॑  
श्वे॒ताः । अथो॑ आ॒शाति॑का ह॒ताः । श्वे॒ताभिः॑ स॒ह सर्वे॑ ह॒ताः । 77

(णो कोर्वै fओर् थिस् अनुवक्कम् ) 36

**T.A.7.37.1**

आह॑राव॒द्य । शृ॒तस्य॑ ह॒विषो॑ यथा॑ । तथ॑ स॒त्यम् । यदु॑मु॒यम॑स्य ज॒म्भयोः॑ । आद॑धामि॒ तथा  
हि॒ तत् । खण्फ॑ण्म॒सि । 78

(णो कोर्वै fओर् थिस् अनुवक्कम् ) 37

**T.A.7.38.1**

ब्रह्म॑णा त्वा शपामि । ब्रह्म॑णस्त्वा श॒पथे॑न शपामि । घो॒रेण॑ त्वा भृ॒गूणाञ्चक्षु॑षा प्रेक्षे॑ । रौ॒द्रेण॑  
त्वाङ्गि॑रसा॒म् मन॑सा ध्यायामि । अ॒घस्य॑ त्वा धा॒रया॑ वि॒द्व्यामि॑ । अध॑रो मत् प॒द्यस्वा॑सौ । 79

(णो कोर्वै fओर् थिस् अनुवक्कम् ) 38

**T.A.7.39.1**

उत्तु॑द शि॒मिजा॑वरि । तल्पे॑जे तल्प॑ उत्तु॑द । गि॒रीः र॒नु प्र॑वेशय । मरी॑चीरुप॒ सन्नु॑द । याव॑दितः  
पुर॑स्ता॒दुदया॑ति सूर्यः । ताव॑दितो॒ऽमुन्ना॑शय । यो॒ऽस्मान् द्वेष्टि॑ । यञ्च॑ व॒यम् द्विष्मः॑ । 80

(णो कोर्वै fओर् थिस् अनुवक्त्रम् ) 39

**T.A.7.40.1**

भूर्भुव॑स्सुवो॒ भूर्भुव॑स्सुवो॒ भूर्भुव॑स्सुवः । भुवो॑ऽद्वायि॒ भुवो॑ऽद्वायि॒ भुवो॑ऽद्वायि । नृ॒म्णायि॑ नृ॒म्णम्  
नृ॒म्णायि॑ नृ॒म्णम् नृ॒म्णायि॑ नृ॒म्णम् । नि॒धा य्यो॑ऽवायि॒ नि॒धा य्यो॑ऽवायि॒ नि॒धा य्यो॑ऽवायि । ए अ॒स्मे  
अ॒स्मे । सुव॑र्न॒ ज्योतीः॑ । 81

(णो कोर्वै fओर् थिस् अनुवक्त्रम् ) 40

**T.A.7.41.1**

पृथि॑वी स॒मित् । ताम॑ग्निः स॒मिन्धे । सा॒ऽग्निः स॒मिन्धे । ताम॑हः स॒मिन्धे । सा मा॒ स॒मिद्धा॑ ।  
आयु॑षा॒ तेज॑सा । वर्च॑सा श्रि॒या । यश॑सा ब्रह्मवर्च॑सेन । अ॒न्नाद्ये॑न॒ स॒मिन्ताः॑ स्वाहा॑ ॥ अ॒न्तरि॑क्षः  
स॒मित् 82

**T.A.7.41.2**

तां वा॒युः स॒मिन्धे । सा वा॒युः स॒मिन्धे । ताम॑हः स॒मिन्धे । सा मा॒ स॒मिद्धा॑ । आयु॑षा॒ तेज॑सा  
। वर्च॑सा श्रि॒या । यश॑सा ब्रह्मवर्च॑सेन । अ॒न्नाद्ये॑न॒ स॒मिन्ताः॑ स्वाहा॑ । द्यौः स॒मित् । तामा॑दित्यः  
स॒मिन्धे 83

**T.A.7.41.3**

साऽऽदित्यः॑ समिन्धे । ताम॒हः॑ समिन्धे । सा मा॒ समि॑द्धा । आयु॑षा तेज॑सा । वर्च॑सा श्रिया  
 । यश॑सा ब्रह्मवर्च॑सेन । अ॒न्नाद्ये॑न॒ समि॑न्ताः॒ स्वाहा॑ ॥ प्रा॒जाप॑त्या मे॒ समि॑द॒सि स॑पत्न॒क्षय॑णी ।  
 भ्रातृ॑व्य॒हा मे॑ऽसि॒ स्वाहा॑ ॥ अ॒ग्ने व्र॑तपते व्र॒तञ्च॑रिष्यामि 84

**T.A.7.41.4**

तच्छ॑केयं॒ तन्मे॑ रा॒द्धय॑ताम् । वा॒यो व्र॑तप॒त आ॑दित्य व्रतपते । व्र॒तानां॑ व्रतपते व्र॒तञ्च॑रिष्यामि ।  
 तच्छ॑केयं॒ तन्मे॑ रा॒द्धय॑ताम् ॥ द्यौः स॒मित् । तामा॑दित्यः समिन्धे । साऽऽदित्यः॑ समिन्धे ।  
 ताम॒हः॑ समिन्धे । सा मा॒ समि॑द्धा । आयु॑षा तेज॑सा 85

**T.A.7.41.5**

वर्च॑सा श्रिया । यश॑सा ब्रह्मवर्च॑सेन । अ॒न्नाद्ये॑न॒ समि॑न्ताः॒ स्वाहा॑ । अ॒न्तरि॑क्षः स॒मित् । तां  
 वा॒युः समिन्धे । सा वा॒युः॑ समिन्धे । ताम॒हः॑ समिन्धे । सा मा॒ समि॑द्धा । आयु॑षा तेज॑सा ।  
 वर्च॑सा श्रिया 86

**T.A.7.41.6**

यश॑सा ब्रह्मवर्च॑सेन । अ॒न्नाद्ये॑न॒ समि॑न्ताः॒ स्वाहा॑ । पृ॒थि॒वी स॒मित् । ताम॒ग्निः॑ समिन्धे । साऽग्निः॑  
 समिन्धे । ताम॒हः॑ समिन्धे । सा मा॒ समि॑द्धा । आयु॑षा तेज॑सा । वर्च॑सा श्रिया । यश॑सा  
 ब्रह्मवर्च॑सेन ( ) 87

**T.A.7.41.7**

अ॒न्नाद्ये॑न॒ समि॑न्ताः॒ स्वाहा॑ । प्रा॒जाप॑त्या मे॒ समि॑द॒सि स॑पत्न॒क्षय॑णी । भ्रातृ॑व्य॒हा मे॑ऽसि॒ स्वाहा॑  
 । आ॑दित्य व्रतपते व्र॒तम॑चारिषम् । तद॑श॒कं तन्मे॑ऽराधि । वा॒यो व्र॑तप॒तेऽग्ने व्र॑तपते । व्र॒तानां॑  
 व्रतपते व्र॒तम॑चारिषम् । तद॑श॒कं तन्मे॑ऽराधि । 88

(समिथ् - समिन्धे - व्रतञ्चरिष्या - म्यायुषा तेजसा - वर्चसा श्रिया - यशसा ब्रह्मवर्चसेना -  
+ ष्ठौ च) 41

### T.A.7.42.1

शन्नो वातः पवताम् मातरिश्वा शन्नस्तपतु सूर्यः । अहानि शम् भवन्तु नः शः रात्रिः प्रतिधीयताम्  
॥ शमुषा नो व्युच्छतु शमादित्य उदेतु नः । शिवा नः शन्तमा भव सुमृडीका सरस्वति । मा  
ते व्योम सुन्दरि ॥ इडाये वास्त्वसि वास्तुमद् वास्तुमन्तो भूयास्म मा वास्तो-श्छिथ्स्मह्य वास्तुः  
स भूयाद्-योऽस्मान् द्वेष्टि यञ्च वयं द्विष्मः ॥ प्रतिष्ठाऽसि प्रतिष्ठावन्तो भूयास्म मा प्रतिष्ठाया-  
श्छिथ्स्मह्य प्रतिष्ठः स भूयाद्-योऽस्मान् द्वेष्टि यञ्च वयं द्विष्मः ॥ आ वात वाहि भेषजम् वि वात  
वाहि यद्रपः । त्वः हि विश्वभेषजो देवानां दूत ईयसे ॥ द्वाविमौ वातौ वात आ सिन्धारा परावतः

89

### T.A.7.42.2

दक्षम् मे अन्य आवातु पराऽन्यो वातु यद्-रपः ॥ यदुदो वात ते गृहेऽमृतस्य निधिरहितः । ततो  
नो देहि जीवसे ततो नो धेहि भेषजम् ॥ ततो नो मह आवह वात आवातु भेषजम् । शम्भूर मयोभूर्नो  
हृदे प्र ण आयूषि तारिषत् ॥ इन्द्रस्य गृहोऽसि तम् त्वा प्रपद्ये सगुस्साश्वः । सह यन्मे अस्ति  
तेन ॥ भूः प्रपद्ये भुवः प्रपद्ये सुवः प्रपद्ये भूर्भुवस्सुवः प्रपद्ये वायुम् प्रपद्येऽनीर्ताम् देवताम् प्रपद्ये  
ऽश्मानमाखणम् प्रपद्ये प्रजापतेर् ब्रह्मकोशम् ब्रह्म प्रपद्य ओम् प्रपद्ये ॥ अन्तरिक्षम् म उर्वन्तरम्  
बृहदुग्रयः पर्वताश्च यया वातः स्वस्त्या स्वस्तिमान्तया स्वस्त्या स्वस्ति मानसानि ॥ प्राणापानौ  
मृत्योर्मा पातुम् प्राणापानौ मा मां हासिष्टुम् मयि मेधाम् मयि प्रजाम् मय्यग्नि स्तेजो दधातु मयि  
मेधाम् मयि प्रजाम् मयीन्द्र इन्द्रियम् दधातु मयि मेधाम् मयि प्रजाम् मयि सूर्यो भ्राजो दधातु । 90

### T.A.7.42.3

द्युभिरक्तुभिः परिपात-मुस्मानरिष्टेभि-रश्विना सौभगेभिः । तन्नो मित्रो वरुणो मामहन्ता मदितिः



सिन्धुः पृथिवी उत द्यौः ॥ कया नश्चित्र आभुवदूती सुदावृधः सखा ॥ कया शचिष्ठया वृता ॥  
 कस्त्वा सत्यो मदानाम् मश्हिष्ठो मथ्सदन्धसः । दृढा चिदारुजे वसु ॥ अभी षु णः सखीनामविता  
 जैरितृणाम् । शतम् भवास्यूतिभिः ॥ वयः सुपर्णा उपसेदुरिन्द्रम् प्रियमेधा ऋषयो नाधमानाः ।  
 अप ध्वान्तमूर्णुहि पूर्द्धि चक्षुर मुमुग्ध्यस्मा-न्निधयेव ब्रह्मान् । 91

#### T.A.7.42.4

शन्नो देवीरभिष्टय आपो भवन्तु पीतये । शंयोरुभिस्रवन्तु नः ॥ ईशाना वार्याणाम् क्षयन्तीश्चरुषणीनाम्  
 । अपो याचामि भेषजम् ॥ सुमित्रा न आप ओषधयः सन्तु दुर्मित्रास्तस्मै भूयासुर-योऽस्मान्-द्वेष्टि  
 यञ्च वयं द्विष्मः ॥ आपो हि ष्ठा मयोभुवस्ता न ऊर्जे दधातन । महे रणाय चक्षसे ॥ यो वः  
 शिवतमो रसस्तस्य भाजयतेह नः । उशतीरिव मातरः ॥ तस्मा अरम् गमाम वो यस्य क्षयाय  
 जिवन्थ 92

#### T.A.7.42.5

आपो जनयथा च नः ॥ पृथिवी शान्ता साऽग्निना शान्ता सा मे शान्ता शुचः शमयतु ॥  
 अन्तरिक्षः शान्तं तद् वायुना शान्तं तन्मे शान्तः शुचः शमयतु । द्यौः शान्ता साऽऽदित्येन  
 शान्ता सा मे शान्ता शुचः शमयतु ॥ पृथिवी शान्तिरन्तरिक्षः शान्तिर् द्यौः शान्तिर् दिशः  
 शान्तिं खान्तरदिशाः शान्तिं रग्निः शान्तिर् वायुः शान्तिं रादित्यः शान्तिं श्रन्द्रमाः शान्तिर्  
 नक्षत्राणि शान्तिं राप्ः शान्तिं रोषधयः शान्तिर् वनस्पतयः शान्तिर् गौः शान्तिं रजा शान्तिं रश्वः  
 शान्तिः पुरुषः शान्तिर् ब्रह्म शान्तिर् ब्राह्मणः शान्तिः शान्तिरेव शान्तिः शान्तिर्मे अस्तु शान्तिः  
 ॥ तयाऽहः शान्त्या सर्वशान्त्या मह्यं द्विपदे चतुष्पदे च शान्तिम् करोमि शान्तिर्मे अस्तु शान्तिः  
 ॥ एह श्रीश्च ह्रीश्च धृतिश्च तपो मेधा प्रतिष्ठा श्रद्धा सत्यं धर्मश्चैतानि मोत्तिष्ठन्त-मनूत्तिष्ठन्तु मा  
 माः श्रीश्च ह्रीश्च धृतिश्च तपो मेधा प्रतिष्ठा श्रद्धा सत्यं धर्मश्चैतानि मा मा हांसिषुः ॥ उदायुषा  
 स्वायुषोदोषधीनाः रसेनोत् पर्जन्यस्य शुष्मेणोदस्था-ममृताः अनु ॥ तच्चक्षुर देवहितम् पुरस्ता

च्छुक्रमुच्चरत् । पश्येम शरदः शतम् जीवेम शरदः शतम् नन्दांम शरदः शतम् मोदांम शरदः शतम् भवांम शरदः शतम् शृणवांम शरदः शतम् प्रब्रवांम शरदः शतम् मजीताः स्याम शरदः शतम् ज्योक्च सूर्यम् दृशे ( ) । 93

#### T.A.7.42.6

य उदंगान् महतोऽर्णवाद्-विभ्राजमानः सरिरस्य मद्भ्यात्स मां वृषभो लोहिताक्षः सूर्यो विपश्चिन् मनसा पुनातु ॥ ब्रह्मणः श्रोतन्यसि ब्रह्मण आणी स्थो ब्रह्मण आवपनमसि धारितेयम् पृथिवी ब्रह्मणा मही धारितमेनेन महदुन्तरिक्षम् दिवम् दाधार पृथिवीः सदेवां यदहं वेदु तदहं धारयाणि मा मद्देदोऽधि विस्रंसत् ॥ मेधामनीषे माऽऽविशताः समीची भूतस्य भव्यस्यावरुद्ध्यै सर्वमायुरयाणि सर्वमायुरयाणि ॥ आभिर् गीर्भिर् यदतो न ऊनमाप्यायय हरिवो वर्द्धमानः । यदा स्तोतृभ्यो महि गोत्रा रुजासिं भूयिष्ठभाजो अधं ते स्याम ॥ ब्रह्म प्रावादिष्म तन्नो मा हांसीत् ॥ ओम् शान्तिः शान्तिः शान्तिः । 94

(परावतो-दधातु-ब्रह्मान्-जिन्वथ-दृशे- + सप्त च) 42

#### Prapaataka Korvai with starting Padams of 1 to 42 Anuvaakams :-

(नमो - युञ्जते - वृष्णो अश्वस्य - ब्रह्मन् प्रवर्ग्येण - ब्रह्मन् प्रचरिष्यामो - दश प्राची - रपश्यङ्गोपाम् - देवस्य - समुद्रा - येषे पीपिहि - घर्म या ते - महीनाम् चत्वा - र्यस्कान् - या पुरस्ताथ् सप्त सप्त - प्राणाय त्रीणि - पूष्णे चत्वार यु - दुस्यैकादश - यास्ते सप्ता - गिर द्रुवसीः दैकान्न विशतिर् - भूरुर्द्ध स्त्रिशतद् - भूर् मयि षोडश - यास्ते घोरा नव - स्त्रिक्वाष्टौ - धुनिश्च द्वे - उग्रश्च त्रीण्य - होरात्रे पञ्च - खट् त्रीणि - विगाः सप्तदशा - सृन् मुखः चत्वारि - यदेतद् वृकसः पञ्च - यदीषितश्चत्वारि - दीर्घमुखि त्रीणि - तथा चत्वारि - यदेतद् भूतानि षट् - प्रसार्य त्रीण्य - त्रिणा दशा- हरावद्य - ब्रह्मणा षट् षड् - उत्तुदाष्टौ - भूः षट् - पृथिव्यष्ट षष्टिः - शन्नः सप्तपञ्चाशद् द्विचत्वारिंशत् )

**korvai with starting padams of 1, 11, 21 Series of Dasinis :-**

(नमो वा॒चे - ब्रह्म॑न् प्रव॒र्ग्येण॑ - मयि॑ रु - गु॒न्तरि॑क्षेण - पि॒ता नो॑ऽसि - मही॒ना - मुप॑ नो - यदे॒तद्  
- भूर॑ - द्यू॒भि श्वतु॑र् नवतिः)

**first and last padam in TA, 6th Prapaatakam :-**

ए॒न्द् ओ॒f इ॒स्त्तल्स्त् फ॒दम्

॥ कृष्ण यजुर्वेदीय तैत्तिरीय ब्राह्मणे आरण्यके सप्तमः प्रपाठकः समाप्तः ॥

Appendix (of Expansions) ट्.आ.7.11.2 - अनु॑नोऽद्यानु॑मतिः१ , अ॒न्विद॑नुमते त्वम् २  
अनु॑ नोऽद्याऽनु॑मतिर्यज्ञं दे॒वेषु॑ मन्यतां । अ॒ग्निश्च॑ ह॒व्यवा॑ह॒नो भ॑वतां दा॒शुषे॑ मयः ॥ १

अ॒न्विद॑नुमते त्वं म॒न्यासै॑ श॒ञ्चनः॑ कृ॒धि । ऋ॒त्वे द॑क्षाय नो हि॒नु प्र॑ण॒ आयू॑ऽषि तारिषः ॥ २

(Both 1 and 2 appearing in TS 3.3.11.3 and 3.3.11.4)

ट्.आ.7.11.9 - उ॒द्वय॑न्तम॑स॒स्पर्णि॑ ३ , उ॒दुत्यं॑ चि॒त्रम् ४ उ॒द्वयं॑ तम॑स॒स्पर्णि॑ पश्य॑न्तो ज्योति॒रुत्त॑रं ।

दे॒वं दे॒वत्रा॑ सूर्यम॑ग॒न्म ज्योति॑रुत्त॒मं ॥ ३ (3 appearing in T.S.4.1.7.4) उ॒दु त्यं जा॑तवे॒दसं॑

दे॒वं व॑हन्ति के॒तवः॑ । दृ॒शे वि॒श्वाय॑ सूर्यं । चि॒त्रं दे॒वाना॑-मु॒दगा॑दनी॒कं चक्षु॑र् मि॒त्रस्य॑ वरु॑णस्याऽग्नेः

॥ ४ (4 appearing in T.S.1.4.43.1)

ट्.आ.7.20.2 - पु॒नरू॒र्जा॑५, स॒ह र॒य्या ६ पु॒नरू॒र्जा॑ नि वर्त॑स्व पु॒नर॑ग्न इ॒षाऽऽयु॑षा । पु॒नर्नः॑ पा॒हि  
वि॒श्वतः॑ ॥ ५

स॒ह र॒य्या नि वर्त॑स्वाग्ने पि॒न्वस्व॑ धा॒रया॑ । वि॒श्वप्ति॑र्या वि॒श्वत॑स्पर्णि ॥ ६ (Both 5 and 6]  
appearing in T.S.1.5.3.3)

ट्.आ.7.20.3 - इ॒मम् मे॑ वरु॑ण॒७, तत्त्वा॑ या॒मि॒८ इ॒मं मे॑ वरु॑ण श्रु॒धी ह॑वम॒द्या च॑ मृ॒डय॑ ।  
त्वा॒मव॑स्यु॒रा च॑के ॥ ७

तत्त्वा॑ या॒मि ब्र॑ह्म॒णा व॑न्द॒मान॑-स्तदा शा॑स्ते यज॑मानो ह॒विर्भिः॑ । अ॒हेड॑मानो वरु॑णे॒ह बो॒द्ध्युरु॑शः॒स्

मा न॒ आयुः प्रमोषीः ॥ 8 (Both 7 and 8] appearing in T.S.2.1.11.6)

ट्.आ.7.20.3 - त्वन्नो॑ अग्ने॑9, स त्वन्नो॑ अग्ने॑10 त्वं नो॑ अग्ने॑ वरुणस्य विद्वान् देवस्य हेडोऽव॑  
यासि सीष्ठाः । यजिष्ठो॑ वह्नि॑ तम् शोशु॑चानो विश्वा॑ द्वेषा॑सि प्रमु॑मुग्ध्यस्मत् ॥ 9

स त्वंनो॑ अन्गोऽव॑मो भवो॑ती नेदिष्ठो॑ अस्या॑ उषसो॑ व्युष्टौ । अव॑ यक्ष्व नो॑ वरुणः॑ ररा॑णो वीहि॑  
मृडी॑कः सुहवो॑ न एधि ॥ 10 (Both 9 and 10 appearing in T.S.2.5.12.3)

ट्.आ.7.20.3 - त्वम॑ग्ने अयासि॑11) त्वम॑ग्ने अया॑सि । अया॑ सन्मन॑सा हितः । अया॑  
सन् ह॒व्यमू॑हिषे । अया॑ नो धेहि॑ भेष॑जम् । इष्टो॑ अ॒ग्निराहु॑तः । स्वाहा॑कृतः पिप॑र्तु नः ।  
स्व॒गा दे॒वेभ्य॑ इ॒दं नमः॑ ॥ 11 (11 appearing in T.B.2.4.1.9 )

ट्.आ.7.20.3 - उद्व॑यन्तम॑सस्पर्णि॑ 12 , उदु॑त्यं13, चि॒त्रम् 14 12, 13 अन्द् 14 इस् समे॑ अस्  
3 अन्द् 4 अबो॑वे

ट्.आ.7.20.3 - वयः॑ सुपर्णाः 15 वयः॑ सुपर्णा॑ उप॑सेदुरिन्द्र॑म् । प्रि॒यमे॑धा ऋष॑यो नाध॑मानाः  
। अप॑ ध्वान्तमू॑र्णुहि पू॒र्धि चक्षुः॑ । मु॒मुग्ध्य॑स्मान् नि॒धये॑व ब॒द्धान् ॥ 15 (15 appearing in  
T.B.2.5.8.3)